



En gol por La Val che toma amez le pröm tēmp y che mēss gnì defenü cina l'ultim menüt, rischian plö iade a ciafé le gol dla parité. Gran spordüda por le portier Sepl, che subësc n toc al ce y mēss gnì condüt demez cun la crusc blancia.

En le fin dl'edema de Pasca vëgn scialdi te düc i campionac sugá la sabeda santa, insciö ince por La Val, che á incunté le Niederdorf te ciasa por la secunda de campionat. Temperatüres d'aisciüda ti á fat da cornisc ala partida.

Ti prüms menüc dal mëteman é i avversars che töl la partida tles mans, meton sot a druch la defensciun. Na trata de puniziun rebat sön la stangia de porta, chësc iade é i defensurs ladins plö asvelc a ruvé a trá demez le palé. Bel plan é l padrums de ciasa che se descëda y atira é Christian Dapoz che á sön le pé n'ocajun d'or: Max se delibrëia da na pert jö y mët amez na gran crossada por le cumpagn Christian, che pro la trata al jore mo ne atoca nia bel le curan che ti sprinza dlungia ia. Ciamó é Alex che dal ciantun dl'area pro da giré le palé sön le pé lunch, la trata indere rōia dlungia ia. Al vëgn le 23^a menüt, canche la defensciun arlungëia sön l'atacant Franz, chësc controlëia bun le palé al limit y cun le ciamp veghel le palonët cuntra porta che ti rōia sura le portier ite, a Franz ti garetel insciö n beliscimo eurogol. I avversars davagna plö puniziuns al limit por fai che ne ess nia messü ester, les trates indere ne é nia prigoroses. Dan le sciür dl prüm tēmp manacia Paolo de radoplé le resultat. Sön na trata dal ciantun rōia chësc sú a rebat de ce cuntra porta, le curan indere ti fej le pulan al pé de porta y rōia fora.

N prüm tēmp che ess podü ruvé cun val gol deplö, i sogadus va te cabina por la palsa sön le 1-0 por i ladins.

N secundo tēmp atramēnter co le prüm, cun manco intensité y agresivité, La Val se stlütj plöcoater zeruch a defënn. Ince sce la defensciun dl Niederdorf é plö descurida, ne ti garetá impone nia ai atacanc de taié fora y ruvé cuntra porta, trö massa iadi ne rōia le ultim passaje nia a contlujiun.

Amez le secundo tēmp na gran spordüda por düc i presënc, na trata cuntra le portier Sepl vëgn parada te dui tēmpc, atira pro ciamó l'atacant de tra te porta mo abina le ce de Sepl. Por nosc portier tumé ia por tera y gnü da nescia, vëgn atira dé le pröm aiüt y cherdé la crusc blancia, por gran fortuna é do val menüt Sepl indo pro ël instëss, por la sigüda vëgnl mené te spitöl. Do che Sepl fej aldì indo súa usc se lascia jö la gran spordüda y le jüch pó proseguí por l'ultima chert d'ora. Sciöche tres segnëia chisc mumënc l'andamënt dla partida, i sogadus cun le pinsier

pro Sepl é impó bugn de se sughé fora i ultims menüc. Al é Julian che töl le post de Sepl, al defënn bun la porta, rovan a desfanté döes gran trates dl Niederdorf. Marco Castlunger é ciamó bun de antizipé n palé a püc metri dan porta, denant che l'atacant ruvass a apogé le curan te porta. Do trëi menüc de recuper fej l'arbiter ruvé i nonanta menüc. Do la partida pon aldí che a Sepl i vara miú, al s'la "cava" cun na comuziun zelebrala y n gran me de ce. A nosc Sepl ti auguruns che al röia indo zeruch sterch a defënn nosta porta!

La Val – Niederdorf: 1-0

Formaziun La Val: 1. Sepl Kantioler (dal 75[^] Julian Moling), 2. Luca Pescollderung (dal 70[^] Egon Frenes), 3. Marco Castlunger, 4. Paolo Vallazza, 5. Werner Sottara, 6. Max Nagler (dal 60[^] Michele Campe), 7. Christian Dapoz (dal 65[^] Marco Sottara), 8. Freddy Sottara, 9. Franz Tolpeit (dal 70[^] Adrian Miribung), 10. Stefan Sottara - capitan , 11. Alex Elzenbaumer

Goi por La Val: Franz Tolpeit al 23[^]

Proscima partida: *La Val süga süa proscima partida de campionat in dumënia ai 03 de auri dales 16:00 a Dietenheim cuntra la squadra de ciasa*